

Hans Schnog: Dirigi un empresa y sirbi Aruba!

ORANJESTAD(AAN)-- Hans Schnog ta e actual Director di Garage Cordia N.V. "Simplemente un empleado," manera e mes ta bisa. E no ta añadi e tantísimo laborman cu e ta presta banda di su trabao pa Garage Cordia y tur e tempo cu e ta hinca na servicio directo pa Aruba.

Tabata na 1968 cu Hans

Schnog, yiu di e fundador di Garage Cordia Aruba N.V., a regresa di Hulanda, caminda el a studia na e Instituut voor de Autohandel, IVA. Loke el a siña na Hulanda, el a pone den practica na Aruba, cu asina a conoce un di e empresanan di garage mas moderno den region.

Na 1974 Hans Schnog a

worde encarga cu e maneho diario di e compania, cu mester a comparti su persona, cu e tantísimo comisionnan di cual Hans Schnog a forma parti. Funcionnan, cu a haci cu hopi biaha e mester a haci declaracionnan di peso, ora otronan por a keda ketó y asina no expone nan mes na participacion den asuntonan

controversial.

No semper tabata facil pa Hans Schnog, kende entre otro ta presidi ATIA, e organisacion di industrianan y companianan local. Tabata tin tempo tambe, cu atencion di Hans Schnog tabata mas dirigi ariba loke tabata pasa directamente na Aruba, cu ariba e sucesonan den

su negoshi mes. Na e momentonan ey, bienestar di Aruba

tabata worde poni na promer lugar. Momentonan, cu hopi

biaha a tuma lugar tras di cor-

tina, pero cu esnan cu a sigui desaroyonan, conoce!

Garage Cordia: Di Nassuastraat pa Boulevard

ORANJESTAD(AAN)-- Garage Cordia Aruba N.V. a conoce su promer edificio den Nassuastraat, caminda actualmente tin Mufflex. Pero despues di e promer tres añanan a resulta cu e edificio ta mucho chikito pa e empresa creciente. E venta tabata bay alto, mientras cu tabata tin mester di espacio pa por almacena piezanan y asina brinda servicio na clientenan.

Despues di tres aña pues mester a cuminsa cu plannan pa un edificio nobo, cu a worde realiza na 1971. E ora Garage Cordia a establece su mes na L.G. Smith Boulevard.

Mientras trafico na Aruba a sigui expande su mes, Garage Cordia tambe mester a pensa den direccion di expansion na 1974. E ora a obtene e tereno patras di e edificio pa asina por a muda e

departamento di saca sla y flietmento.

Na 1978 por a construi e segundo deposito pa asina por almacena tur pieza. E cantidad di piezanan a triplicá nan mes den un tempo di cuatro aña y a alcanza un valor total di mas di 2.400.000 Florin.

Mientras mas Toyota tabata subi careteranan di Aruba, mas Garage Cordia a sigui crece.

Aruba mester worde bendi profesionalmente na Europa

ORANJESTAD(AAN) -- Durante un conferencia di prensa Ministro Nicolaas a duna un relato encunto su bishita na Europa.

Ministro Nicolaas a muestra cu ya a haci un viahe pa Canada y

Brasil. Te ainda e combersacionnan hiba na Canada no a bira realidad. Ta sperando ainda riba un cooperacion entre Air Aruba y Air Canada.

Pa loke ta Brasil ta asina cu Air Aruba ta haciendo vuelonan

caba pa San Paulo.

E viahe pa Europa tabata pa haya mas vuelo pa Aruba. Fuera di Hulanda a bishita Suecia, Portugal y Francia. E intencion ta pa fin Augustus, comienzo September un delegacion di Ministro Nicolaas lo bishita Italia ya cu Air Italia ta muestra cierto interes.

Tambe tin riba schedule pa bishita probablemente Spaña, Liberia y lo mira si lo bishita Inglaterra of Suiza.

Na Suecia segun Ministro Nicolaas a hiba combersacion cu director di e compania aviacion SAS. A keda palabra cu na October un representante di SAS lo bishita Aruba pa continua cu e negoicacionnan.

Presentacion di grupo di opera na San Nicolaas

ORANJESTAD(AAN) -- E Stichting Cristine Deutekom Concours, cual actualmente ta haciendo un gira na Antillas y Aruba, lo haci duna un presentacion na San Nicolaas.

Esaki lo tuma lugar Dialuna 2 di Juni pa 8.30 or di anochi na John Wesley Auditorium, San Nicolaas.

Seis cantante profesional di opera lo presenta arias y duet di varios opera conoci manera Le Nozze di Figaro, Carmen y Porgy y Bess.

Pabien


GCA
Garage Cordia Aruba N.V.

Y exito den futuro


GOLDEN TULIP
ARUBA CARIBBEAN
RESORT & CASINO

Pabien


GCA
Garage Cordia Aruba N.V.

Y exito den futuro


Associated Architects
Aruba N.V.

Pabien


GCA
Garage Cordia Aruba N.V.

Y exito den futuro


n.v. bouw-en handelmaatschappij
b. bohama-aruba
GENERAL CONTRACTORS
TEL.: 21307 - 26559